

PROGRAMMA

Quo

RECTOR

UNIVERSITATIS ROSTOCHIENSIS

JOACHIMUS LUTKEMAN,

Theol. Licentiatus; Ecclesiastes &

Professor Physices Metaphysicesq;

Ordinarius.

ad

piam & devotam

RESURRECTIO-

NIS DOMINICÆ

LÆTITIAM,

*Cives Academicos, & maxime Studiosam
juventutem invitat & exhortatur.*



ROSTOCHI,

Typis NICOLAI KILLII, Acad. Typogr.

ANNO M. DC. XLVII.

43.



Reaturæ universæ ut sociæ fuerunt
passionis Dominicæ, ita etiam læta-
tæ sunt in resurrectione; ut non sine
re simplices animos occupaverit
communis illa de orientis nec ò oc-
cidentis solis tripudio, quod in festivitate Pascha-
tos observant, opinio. Causatum doloris tum ju-
bili est amor creaturæ puræ, plus diligentis bo-
num creatoris quam proprium. Convenit id cum
scriptura, quæ Creaturis (Rom. 8, 19.) ἀπικαταδοκίαν
tribuit, dū cū gemitibus expetunt & in spe expe-
ctant revelationem filiorum Dei, & ἐλευθερίαν τῆς δό-
ξης. Quid ni igitur exultassent, accepto liberatio-
nis signo ac pignore, resurrectione puta Salvato-
ris Domini? uti autē in futura revelatione, gloria,
quæ expectatur, non creaturarum erit, sed homi-
nis; sic & in resurrectione Domini nostri Jesu
Christi non creaturis salus oritur, sed nobis homi-
nibus. Quid ergo agis? O Homo! Creatura dolet
& lætatur cum creatore dolente & exultante;
tunc solus manebis immobilis? Submerso pha-
raone, exultat Miriam soror inclyti Israelitarum
Ducis & legislatoris Moysis. (Exod. 15, 20. 21.) *Can-
tate Domino; gloriosè enim exaltatus est. Equum &
sessorem ejus dejecit in mare.* Hæc Miriamis exulta-
tio nostra sit, Christo pertransiente mare passio-
nis, superato & submerso Diabolo, ejusq; quod in
peccatis est, robore fracto. In corporali vel mise-
ria



58700/41

ria vel jucunditate facile vel tristamur vel læta-
mur. In spiritualibus, monstrum ! non ita facile.
Audimus sæpè lamentabiles patientis Christi do-
lores, sed doloris non experimur motum. Audi-
mus gaudia resurrectionis, sed absq; sensu gaudij.
Quid mirum ? caro sumus, non spiritus. Neq; e-
nim hic vel dolere vel lætari in tuo arbitrio est,
absq; singulari aspirantis Numinis gratia. Piis er-
go meditationibus & precibus excitandus est a-
nimus. Placet hac vice devotionem animæ piæ
excitate *Leonis* consideratione *vincentis*. In passi-
onum toleratia Benedictus Dei filius Jesus Chri-
stus se præstitit agnum ; juxta normam primæ
concionis in N. T. *Ecce agnus Dei, qui tollit peccata*
mundi. Agnus Dei fuit, quia ipse Deus, Deoq; ob-
latus in cruce, ut victima pro peccatis mundi.
Hæc causa fuit, quæ de cœlo Deum traxit in ter-
ram eumq; carnem fecit. Hoc opus, agni pa-
schalis ritib9 & omnibus omnino sacrificiis præ-
figuratum. Ast defunctus hac functione, rediit ex
morte Agnus; rediit ut Leo *Vicit enim Leo de tri-
bu Juda* (Apoc. 5, 5. Gen. 49, 9.) Cum copiis infer-
nalibus, peccato, morte, diabolo, manus prospe-
rè conferuit; absorptus ut agn9, victor prodiit ut
Leo. Signum victoriæ resurrectio est. Quod si
non destruxisset regnum peccati, mansisset sub
vinculis mortis & inferni, nosq; juxta cū illo. Re-
suscitatus autem victorem se demorstravit. Re-

suscitatus enim est propter justitiam nostram.
(Rom. 4. v. ult.) Regum antea obtinebant *mors*,
Diabolus, *peccatum*. Gloria Triumphatori. Vicit
Leo. Regnat per peccatum *mors*; aculeus mortis
peccatum est (1. Cor. 15, 56.) peccatum corrup-
pit hominem, ex corruptione vermis nascitur,
vermis letalis, qui morfu dirisq; cruciatibus ve-
xat conscientiam. Verum per Jesum Christum,
qui mortuus est propter peccata nostra, & resus-
citatus propter justitiam nostram, absorpta mors
est in victoriâ. Ubi tuâ, ô mors, victoriâ? ubi tuus
aculeus? Mors corporis, iis qui sunt in Christo Je-
su, non est mors, sed ipsa in Christo victoria. *Di-*
abolus est, cui mortis robur iradebatur (Hebr. 2,
14.) Hic carnifex est & tyrannus in conscientia.
Perpende homo, hostis tui truculentiam. Cui
nihil in te juris est, jus sibi quærit & acquirit per
peccatum: ad peccatum virulentis suis suggestio-
nibus incitat; peccato commisso, dominium si-
bi in anima vendicat, excæcat, imperat, ducit,
torquet. Gloria sit crucifixo, *per mortem abolevit*
eum, penes quem est mortis robur, hoc est, diabolum; &
liberos reddidit, quotquot metu mortis per omnem vi-
tam damnates erant servitutis (Hebr. 2, 14. 15.) Cru-
cifixus Iesus spolia detraxit forti, occidit homici-
dam, Cerberum ligatū sibi subjecit. Circundedi-
stis eum Canes, cinxistis eum robusti juvenci Ba-
san, dilatasti contra eum os tuum, Leo rugiens
& ra-

& rapiens; vibraſtis eū cornibus Unicornes, lani-
aſtis eū ut agnū imbecillē Malefici. Sed vicit cru-
cifixus, vicit ut Leo; Ereptus eſt ex iudicio &
coarctatione, quis generationem ejus enarrabit?
elevatus eſt & exaltatus valdē in ſæculorum ſæ-
cula. *Caro* jure, quod in generatione obtinuit,
regnat in nobis, qui venditi ſumus ſub peccato.
Homo inſtar arboris venenatæ; protrudit opera
mortifera, eſt q̄; filius iræ & perditionis. Per Cru-
cifixum Jeſum vincitur caro; nulla enim damna-
tio in iis qui ſunt in Chriſto Jeſu (Rom. 8, 1.) Li-
berati à peccatorum reatu, vivimus non ad du-
ctum Carnis ſed Spiritus. Vetus homo cum Chri-
ſto eſt crucifixus (Rom. 6, 6) Equidē ut Agar ſæpe
heræ repugnat caro, ſubiicitur tamen virtute Chri-
ſti. Cantamus itaq; Victori Domino Jeſu Chriſto:
gloria & triumphus illi, qui redit ex victoria
fortium. In quibus regnabat caro, mors, Dia-
bolus, in illis regnat Chriſtus, juſtitia, vita. Pha-
rao omnem ſuam potentiam in perniciem filio-
rum Dēi coegit; ſed in mare dejectus & ſub-
merſus eſt. Immanis Goliathus probro affecit
aciem Iſralitarum, ſed ſurrexit novus David, qui
Goliathum vicit non armis hominum, ſed virtu-
te Dei, parvus & fortis, agnus & Leo. Joſua ductis
civibus ſuis per Iordanum, tubarum ſonitu Jeri-
chonis proſtravit mœnia. Leo de tribu Juda,
ſanguinis lavacro nos mundavit, ſuoq; rugitu di-

ruit in cordibus nostris propugnacula sathanæ. Impletum jam est quod per Hoseam vatem dictum est. *Ero mors tua, o mors, morsus tuus ero inferne.* (c. 13, 14.) Venenatus aer, pestis tempore attrahitur quidem, & quasi absorbetur, sed cum interitu attrahentis. Venenum sub exigua quantitate ingentem vim exercet; & Christus sub specie imbecillis agni, magna effecit, ut Leo. Gloria & triumphus illi, qui redit ex victoriâ fortium. Nemo erat, vel inter potentissimos Angelos, satis potens ad destruendum regnum Diaboli. Tibi Crucifixe, tibi hæc gloria reservata est. Vermis eras; & non homo, vicisti tamen ut Leo, fortior Simsone, qui vindicaturus impotentem hostium superbiam: moriebatur, inquit, cum philistæis anima mea. Servator noster non tantum lubens mortem subiit, interfecturus principes tenebrarum; sed & vivus rediit. Felicior Daniele, qui inter leones à lanienâ servatus, ex morte vivus educatus est; Christus Draconem in super sibi subiecit, captivumq; duxit. Vicit autem Leo de tribu Iuda, novo planè modo. Si ignoras, dicam: passus est, hosti se subjecit, morti se tradidit. Sic agnus factus, fit Leo. Typum observabis in Davide, qui Goliathum aggrediebatur, & vincebat, cum armaturam abiciebat virilem: *Tu venis, aiens ad me cum gladio, & cum hasta, & cum humerali: ego vero venio ad te in nomine Jehovæ exercituum.* (1 Sam. 17, 46.)

17, 46.) Incepit victoria eum illa crucifixi voce: *Consummatum est.* Morte enim absorptus, morti factus est venenum, postquam inpleverat omnia, quæ facere atq; pati debebat, factus patri obediens usq; ad mortem. per resurrectionem autem manifestata, demum est hæc ipsa victoria. Sic vicit Leo de tribu Juda. Gloria & triumphus vincenti. *Absorpta mors ad victoriam. Ubi tua, ô mors, victoria? Ubi tuus, O inferne, aculeus? Deo gratias, qui dat nobis Victoriam per Dominum nostrum Jesum Christum.* (1. Cor. 15, 55.) *Servator noster mortem abolevit & incorruptibilitatem in lucem produxit.* (2. Timoth. 1, 10) Habes in hac victoria asy- lum, pia anima. victoria nostra est. Qui nostri causa pugnavit, victoriã nobis peperit. Esto, graviter nos perturbavit Diabolus; in Christo gaudium capere licet satis magnum. Iniquè nobiscum egit Diabolus, seduxit nos imposteor, & à Deo omnis bonitatis fonte separavit, sedem Dei in nobis destruxit, atq; sub jugum infernale adduxit; ut cruci principem vitæ nostra affigeret culpa effecit. Verum lætitiã capiamus in Christo. Haman Judæomastix mandatum mortis producebat; sui infortunii ignarus. Sathan homine in mortis reatum præcipitato, sibi ipsi infortunium creavit. Nam *semen mulieris contrivit caput serpentis.* Josua Dei populum ad requiem ducebat, cum incolæ Cananæi adventus novi hospitis perculsi hærebant. Leo de tribu Juda tremorem iniecit principi mundi, ducturus nos in hæreditatem Dei. Josua, hoste victo, distribuit bona terrena; Christ⁹ cælestias; sicuti & cælestis est illa, ad quam nos ducit, requies. Nihil est, quod nos per terrefaciat. Omnia in potestate sunt Victoris, nostri Servatoris. *Todt/ Sünd/ Teuffel/ Leben/ und Gnad/ alles in seinen Händen hat/ Er kan erretten/ alle die zu ihm treten.* Iam Daniel tutus sedet inter Leones. Iam cum Davide & Simsone possumus percutere & discerpere

pere ursum & Leonem! Quid expavescimus? Iehova,
qui eripuit nos à leone & ab urso, à morte & Diabolo,
idem eripiet nos è manu omnium nobis adversantium.
Adhæreamus, Fratres, Servatori nostro, ut cum ipso &
per ipsum vincamus. Vinces autem, si ad similitudinem
ejus fies Agnus-leo; Agnus in patiando, Leo in robore.
Certandum est; Nam non nisi certanti corona datur.
Certat autem optimè, qui Deo se subijcit maximè. Ho-
stis perniciosissimus in te est, Christiane, natura tua pra-
va & cupiditas. Regnum Diaboli in te adhuc est destru-
endum. Es miles Iesu Christi, & hostis Diaboli & carnis
vi fæderis in baptismo initi. Præstabis te igitur bonum
militem Iesu Christi. Impotentissimi & miserimi, qui
pro carne & Diabolo contra Servatorem & spiritum Ie-
su Christi in se pugnant. Hoc considerate imprimis vos,
studiosi juvenes, in hoc resurrectionis Dominicæ jubilo,
& discite vincere naturæ vestræ pravitatem in robore
Victoris Iesu Christi. Surge itaq; in nobis crucifixe, &
vince. Nos quidem certabimus, sed tuo tantum robore
nitimur. Tu Leo victor. Vince in nobis, vince pecca-
tum, vince mortem, vince Diabolum. Quid nobis pro-
dest tua victoria, si nulla est in nobis? In nobis
vincas necesse est, & nos in te. Tua victoria freti non
horrescimus, & superata morte, tanquā hoste ultimo, in
gloriam tuam hilari animo intrabimus. Triumphus &
gloria nostro Servatori. *Vox cantus & salutis est in tentoriis
justorum.* (Psalm. 118, 15.) *Dextra Jehova agit strenue, dextra
Jehova elata est, dextra Jehova agit strenuè. Castigat me Do-
minus, sed morti non tradidit me. Non morriar sed vivam,
ut enarrem opera Domini.* P. P. Rostochij die
paschatos, Anno 1647.